

## Jon anêᶇ kapyayañ Abô môᶇ

Aposel Jon hato kapyayêntêk. Nê lôkauk enañ nena hato hadêᶇ avômalô êvhaviᶇ anêᶇ malak te. Waklavôᶇ êᶇ ma kêdôᶇwaga ewa Yisu anêᶇ Abô Mavi ba i luvuluvu ma avômalô êvhaviᶇ eyabiᶇ thêlô. Ma donᶇtom kêdôᶇwaga abôyañ evenᶇ haviᶇ ba intu Jon hato ek thêlô neyabiᶇ nê takatu ba esopa Yisu anêᶇ abô avanôᶇ iyom.

Hato kapyayêntêk hadêᶇ 85 lo 95 AD malêvôᶇ doho la.

### *Jon hêv lamavi*

<sup>1</sup> Ya Biᶇsu Jon ba yahato abô êntêk hadêᶇ o avi atu ba Wapômbêᶇ bôk halam yôv lôk nalumi.\* Yalenᶇhaviᶇ môlô hathak abô avanôᶇ ba miᶇ ya iyom ami. Mi, avômalô takatu ba eyala abô avanôᶇ êᶇ haviᶇ. <sup>2</sup> Abô avanôᶇ êᶇ hamô alalô kapôlôᶇiᶇ ba tem êmô êtôm wak nômbêᶇ intu sapêᶇ ba intu yêlô lenᶇihaviᶇ môlô.

<sup>3</sup> Kamik Wapômbêᶇ lo Namalô Yisu Kilisi iniᶇ wapôm lôk lenᶇihiki ma labali êmô imbiᶇ alalô takatu ba amô abô avanôᶇ lôk lenᶇihaviᶇ kapô.

### *Nobalonᶇ abô avanôᶇ lonᶇ*

---

\* **1:1:** Nê lôkauk doho enañ nena, “Avi lôk nali êᶇ ma abô lôk kup ma anêᶇ ôdôᶇ nena avômalô êvhaviᶇ anêᶇ unyak matheᶇ te. Ma yaᶇ lôk nali (2 Jon 13) ma hatôm unyak matheᶇ yaᶇ.”

4 \*Yahapôm nalumi doho atu ba esopa abô avanôḡ hatôm atu ba Wakamik bôk havak havinḡ alalô ba intu yalenḡmavi anôḡ. 5 \*Livôḡ, lêk yahathô o lokwanḡ nena alalô lenḡimbinḡ i. Balabuḡ êntêk ba yahato ma miḡ lukmuk ami. Mi, môḡ anôḡ ma bôk alalô awa yôv. 6 Ma lenḡinḡhavinḡ anêḡ ôdôḡ ma aêntêk nena alalô nasopa Wapômbêḡ anêḡ abô balabuḡ. Ma abô balabuḡ êḡ ma môlô bôk olaḡô hadêḡ môḡ anôḡ nena nombenḡ imbinḡ lenḡinḡhavinḡ.

7 \*Kêdôḡwaga abôyanḡ bêḡ anôḡ bôk i pik mayaliv ek nesau avômalô. Thêlô miḡ êvhavinḡ nena Yisu bôk habitak anyô ba halêm pik ami. Anyô anêḡ aêḡ ma anyô abôyanḡ lôk anyô hapôlik ek Kilisi. 8 Noyabinḡ am ek miḡ nônêm yak esak vuli takatu ba alalô adum ku hathak ek naja ami. Êḡ ma tem noja unim vuli mavi lôkthô. 9 Ôpatu ba hawa auk yanḡda ba miḡ havalonḡ Kilisi anêḡ abô lonḡ ami ma miḡ hamô havinḡ Lambô ami. Ma donḡtom ôpatu ba havalonḡ Kilisi anêḡ abô lonḡ hamô havinḡ Lambô lo Namalô. 10 Anyôla hayô ek môlô ba miḡ hawa abô êḡ ami, êḡ ma miḡ nônêm lemimmavi lôk noja yani thô ba unu unim unyak ami. 11 Hôêv lemmavi hadêḡ yani, êḡ ma hudum ku kambom êḡ havinḡ yani.

12 Abô bêḡ anôḡ hêk ek yanḡḡ êndêḡ môlô, ma donḡtom yahadô ek yato êndôk kapyâ. Yalenḡhabi yasôk ek alalô nananḡ abô imbinḡ i ek alalô lenḡinḡmavi bêḡ anôḡ.

13 Mamuyanḡ atu ba Wapômbêḡ bôk halam yôv

---

\* 1:4: 3Jon 3    \* 1:5: 1Jon 2:7    \* 1:7: 1Jon 4:1-3

anêḡ nali\* êv leḡḡmavi hadêḡ mólô.

---

\* **1:13:** Hatôm unyak mathenḡ yanḡ anêḡ avômalô êvhavinḡ. Nôḡḡ 2 Jon 1.

**Wapômbêŋ Anêŋ Abô Mathen**  
**The New Testament in the Malei-Hote Language of**  
**Papua New Guinea**  
**Nupela Testamen long tokples Maei-Hote long Niugini**  
copyright © 2010 Wycliffe Bible Translators, Inc. and The Malê people

Language: Hotê-Malê (Malei-Hote)

Translation by: Wycliffe Bible Translators

Contributor: The Malê people

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2015-01-02

---

PDF generated using Haiola and XeLaTeX on 21 Feb 2024 from source files dated 31 Aug 2023

c8e90bc3-6cab-57b1-9a48-04f5f30fe59a